

Mbate kí Jaki ndàngì

Ta-je kí dɔ mbete-ti kí Jaki ndàngì

Jaki ndàngì mbete kin kadi ra kì njéndó-é-je kadi 'gə-né né kí tɔjì kadmɛɛ́ kí togrɔ-ti rəm, bá kadi ulə dingəm mɛɛ́-dé-ti kadi 'ra kullə kadmɛɛ́ lə-dé rəm tɔ. Jaki 1:1 tɔjì kí dow-je kí dɔsɔy kí Jaki ndàngì mbete kin adi-dé lé, 'to jipi-je kí d'adi mɛɛ́-dé Jeju Kristi, kí d'isi dɔnangì Israyel-ti al. Ngà to mbete kí à ra kì dow-je lay kí d'adi mɛɛ́-dé Jeju tɔ. Jaki tɔjì rɔ-é kí njèrakullə lə Lubə kì 'lə 'Babe Jeju Kristi (Jak 1:1). Dan dow-je-ti kí so kí ri-dé lə Jaki mɛɛ́ Kunmindi-ti kí Sigi kinlé, à to ɛ́ kí 'panè to kí káre dan ngankɔ́ Jeju-je-ti kin bá ndàngì mbete kinlé (Mat 13:55; Mar 6:3). Pol pa ta liə mɛɛ́ mbete-ti kí adi Galati-je 1:19 tɔ. Go tɔsi ndəl kində lo tɛɛ́-ti lə Jeju bəy bá Jaki lé adi mɛɛ́ kí Kristi to dow kí Lubə un mindi-é kɔ́ kadi-é ree lé (1Kɔ 15:7). Go-ti, Jaki təl to njèkɔrnò njékəwnɔ́-je kí Jorijaləm. Mbete kullə-je lə njékɔwkułə-je 15 pa ta lə kullə liə. Ɛ́ tum gin mbete liə kí ta kí sobi dɔ nɔmɛɛ́ dow kí à kadi njèkadmɛɛ́ tɔgì mɛɛ́ kadmɛɛ́-ti. Bá go-ti, ɛ́ pa ta kí sobi dɔ panjiyə-je kí gay-gay mɛɛ́ kadmɛɛ́-ti rəm, bá pa ta kí sobi dɔ ra kullə kì ta lə Lubə rəm, ra kì njéndoo-je rəm, bá tɔjì kullə

ra lə kadmɛɛ rəm, pa kí dɔ koo-ti kí kadi dow oo go ta-é dɔ ta-ti kí ɛ pa rəm, bá pa ta kɔw-ti kí kadi dow ɔw kì gosi lə Lubə rəm tɔ. Ɛ ndɔr mbi njénékingə-je, ə ulə dingəm mɛɛ njékadmɛɛ-je-ti kí d'isi 'ngəbi təl lə 'Babe, bá mbusi nja-dé kadi 'ra né kí tɔgrɔ-ti rəm, kadi 'pa ta kì Lubə rəm, bá kadi 'təl kì dɛ kí 'ndəm kadi d'ingə kajì rəm tɔ.

Tɔji rɔ kì Lapiya kí ra

¹ †Mǎ Jaki kí ngonnjèkullə lə Lubə, kì ngonnjèkullə lə 'Babe Jeju Kristi, bá m'ndàngi mbete kin m'adi-si sɛi gin koji kí dɔgi gidi-é* joo kí 'sanəi-nǎ dɔ bɛ-je-ti kí rangi ə m'ra-si lapiya.

Kadmɛɛ kì gosi

² Ngankɔ-m-je kí njékadmɛɛ, né-je kí gay-gay kí tɛɛ dɔ-si-ti nǎ mɛɛ-si kɔɔ koo kinlé, kadi ooi kì né rɔnəl kí ɔr njuti.

³ Kɔɔ sɛi 'gəi kí nǎ kadmɛɛ lə-si kɔɔ koo kinlé, à koji kuwə rɔ ngǎ.

⁴ Ngà kadi kuwə rɔ ngǎ lə-si ǎ lo kǎ-é-ti gərərə, kɔɔ kadi 'toi dow-je kí asi gaki rəm, mɛɛ-si idi njiki-njiki, ə kadi 'toi dow-je kí né madi nal-si al rəm tɔ.

⁵ Kinə dow káre dan-si-ti nal gosi rəmə, kadi dɔji Lubə ə à kadi-é; kɔɔ Lubə to njèkadi né dow-je lay kare kì ndinoji.

† **1:1 1:1** Mat 13:55; Mar 6:3; Knj 15:13; Gal 1:19 * **1:1 1:1**
Dow-je kí Jaki ɓa-dé gin koji kí dɔgi gidi-é joo kinlé, to gin koji Israyel-je kí məsi-ti kí d'adi mɛɛ-dé Jeju. Ngà ta kinlé à sɔbi dɔ dow-je lay kí 'to jipi-je al kí d'adi mɛɛ-dé jeju tɔ.

⁶ Ngà kadi dowbé dɔ̃ji kɪ kadmɛɛ rəm, fá kadi-é tadi ta dɔ̃-ti al rəm tɔ̃. Kdɔ̃talə dow kɪ tadi ta dɔ̃ né-ti lé titi-nɔ̃ kɪ pungum man babo kɪ yél ɔ̃si-é yó-je kɪ nè-je kin bè.

⁷ Kadi dow kɪ titi-nɔ̃ bè kinlé, gə kɪ à kingə né ji 'Babe-ti al.

⁸ To dow kɪ mɛɛ-é ra joo rəm, kɔ̃jra-je liə lay ya ɛ ɔ̃ dɔ̃-ti al.†

Ta kɪ ɔ̃bi dɔ̃ njəndoo dɛ kɪ njənékɪngə

⁹ Kadi ngonkɔ̃-ji kɪ njəkadmɛɛ kɪ to njəndoo ra rɔ̃nəl kdɔ̃ dɔ̃-é tɔ̃ kɪ taá.

¹⁰ Ə njənékɪngə rəmə, kadi-é ra rɔ̃nəl kdɔ̃ dɔ̃-é tɔ̃ kɪ nangɪ tɔ̃. Kdɔ̃ ɛ à goto titi kɪ puti wale ur-né kin bè.

¹¹ Loki kàdɪ ubə fá ɔ̃si nɔ̃ lé, wale ndole ə puti-é ur adi kurə-é kɪ kete goto. Bè ya tɔ̃ é njənékɪngə à goto-né ta kullə-je-ti liə.

Ta kɪ ɔ̃bi dɔ̃ nɔ̃mɛɛ koo rəm, néngə rəm

¹² Dow kɪ ɔ̃ gərərə mɛɛ néngə-ti lé, to njənékumə; kdɔ̃ go kɔ̃ gərərə-ti liə lé ɛ à kingə nédɔ̃ji kɪ ɔ̃bi dɔ̃ kiskəm kɪ 'Babe un mindi-é kdɔ̃ kadi dow-je kɪ njéndigi-é.

¹³ Kinə néngə tɛɛ dɔ̃ dow-ti rəmə kadi-é panè «to Lubə fá nɔ̃ n'è» al, kdɔ̃ Lubə lé né kɪ maji al à nɔ̃-é al rəm, fá ɛ ya kɪ dɔ̃-é kàrè nɔ̃ dow al rəm tɔ̃.

¹⁴ Ngà nɔ̃-nɔ̃ kɪ né nɔ̃-é lé to kəmnda né kɪ tɔ̃ mɛɛ-é-ti ya ədi-é ə ndɔ̃r-é kɪ ta-ti.

¹⁵ Go-ti, loki kəmnda ra be mɛɛ-é-ti rəmə oji majal, ə loki majal ɔ̃w kɪ kete-kete lé oji koy tɔ̃.

† 1:8 1:8 1Ja 5:14-15; Mat 7:7-11; 15:22-28; Luk 18:1-8

16 Ngankɔ-m-je kí njékadmɛɛ kí m'ində-si dan kəm-m-ti, ədi rɔ-si al:

17 Kadkare lay kí maji n̄a k̄i kí maji ɔr njuti lé, to né-je kí taá kí ɿ rɔ Lubə-ti kí to Bɔbi né-je kí ndógi. Lubə lé ɛ mbəl rɔ-é tò gay al rəm, bá ndil né kí njembəl rɔ-é goto rɔ-é-ti rəm tɔ.

18 Lubə ya oji-ji k̄i m̄ɛndigi liə k̄i takul ta liə kí to ta kí tɔgrɔ-ti, kɔ kadi j'toi titi dɔdər né-je lay kí ɛ ra-dé kin bè.

Koo ta lə Lubə ə təl rɔ go-ti

19 Ngankɔ-m-je kí njékadmɛɛ kí m'ində-si dan kəm-m-ti, né kí kadi 'gəi ɛn: Kadi n̄a-n̄a ya ɿ kalangi oo ta, ngà kadi ɿ kalangi pa ta al rəm, bá kadi ɿ kalangi ra wɔngi al rəm tɔ.

20 Kɔ wɔngi lə dow à ra né kí njururu lə Lubə al.

21 Gin-é kin bá kadi 'mbati-né né-je lay kí tò n̄ɛ k̄i né-je lay kí to kullə m̄ɛndul kí n̄ay m̄ɛ-si-ti, rəmə ta kí 'dubi m̄ɛ-si-ti kí to ta kí à kasi kaji ndil-si kinlé bá kadi 'ndigi dɔ-ti k̄i dɔ kí sɔl lɔm-lɔm.

22 Ooi ta ki koo par al, ngà ooi ta ə 'təli rɔ-si go-ti bane, bi ədi rɔ-si k̄i ta-je kí kuy ki nati al.

23 Kɔ dow kí oo ta bá təl rɔ-é go-ti al lé, titi-n̄a k̄i dow kí oo ta kəm-é sɔɔbɔ-ti,

24 bá ɔti ɔw rəmə tajinati nè ya m̄ɛ-é oy dɔ ta kəm-é-ti lé səl kin bè.

25 Ngà dow kí ndər gin ndukun kí maji kí njətaa-ji kilə-ji taá kin ə təl rɔ-é go-ti bá ɿ dɔ-ti njángi, bi adi m̄ɛ-é oy dɔ-ti al, ngà ɛ ra-né kullə k̄i rɔ tungə-é rəmə, dowbé kinlé to njènəkumə m̄ɛ kullə ra-é-ti.

²⁶ Kinə dow ɓa rɔ-é njèpole né ɓá ngəm ndɔ-é al lé, ɛ ədi rɔ-é ki kədi, népole lə dowbé kinlé to né kí kɔgi kare.

²⁷ Yən, népole kí Lubə kí Bɔbi-ji oo adi to népole kí aa njay kí né kí maji al goto-ti ta kəm-é-ti lé, to koo go ngan al-je kà njéngowkoy-je dan nékəmtondoo-je-ti lə-dé, ə kitə rɔ ngərəngi kàdi né-je-ti kí dɔnangi-ti kí tò nɛ.

2

Ta kí sɔbi dɔ kɔrkəm-nɔ

¹ Ngankɔ-m-je kí njékadmɛɛ, kadmɛɛ 'Babe lə-ji Jeju Kristi kí njèriɓa lé, ori nati kà kɔrkəm-nɔ al.

² Kinə dow madi ulə 'ningó lɔr ji-é-ti kà kubi-je kí maji-maji rɔ-é-ti ɔw-né lo kəwnɔ-ti lə-si je bè ə njèndoo madi ulə kubi-je kí ndisi rɔ-é-ti ɔw-né kəykəwnɔ-ti lé tɔ,

³ rəmə kəm-si tò sikim dɔ dow-ti kí ulə kubi-je kí maji-maji rɔ-é-ti lé adi idəi-é 'painè: «I, 'isi nè, lo-ti kí maji kin.» Ngà njèndoo lé ɓá idəi-é 'painè: «I, 'a taá tin» al rəmə «'isi nangi lo kungi nja-m-ti tin.»

⁴ Loki səi 'rai né kí bè kin dan-si-ti lé to kɔrkəm-nɔ ɓan al wa? Ə səi 'təli njékɔr gangi né-je kà tagir-je kí maji al kí mɛɛ-si-ti ɓan al wa?

⁵ Ooi, ngankɔ-m-je kí m'ində-si dan kəm-m-ti: 'Gəi toki Lubə mbəti dow-je kí dow-je kí dɔnangi-ti nè d'oo-dé ki njèndoo-je lé, kadi 'təl njénékingə-je kí mɛɛ kadmɛɛ-ti rəm, kadi kɔbe kí ɛ un mindi-é kɔ kadi njéndigi-é-je lé, təl nédoji lə-dé rəm ya al wa?

⁶ Ngà sɛi ngá bá 'nədi njéndoo-je! Njénékingə-je ya bá 'to njékadi-si kɔ̄-je kɪ njékɔw sə-si nɔ̄ njégangta-je-ti lé al wa?

⁷ Dɛ ya bá 'to njésɔki ri kí maji kí tokɪ kində dɔ-si-ti lé al wa?

⁸ Tɔgrɔ-ti ya, kinə 'təli rɔ-si go ndukun-ti kí ɔ̄ madi-é-je lay kí to ndukun lə Lubə kí to ngar lə-ji, kí 'ndàngi mɛɛ mbete-ti kí aa njay 'panè: «'A ndigi dow madi-i titi-nɔ̄ kɪ rɔ-i bè tɔ†» kin rəmə to né kí maji.

⁹ Ngà kinə sɛi ɔri kəm dow-je rəmə sɛi 'rai majal ə ndukun gangta dɔ-si-ti kdɔ sɛi ali dɔ ta.

¹⁰ Kdɔtalə kinə dow təl rɔ-é go ndukun-ti bikti lay ya bá ɛ al dɔ ndukun káre rəmə, dowbé al dɔ ndukun-je lay ya.

¹¹ Kdɔ dow kí njèpanè: «'A ra kaya al» lé, ya panè: «'A təl dow al» tɔ. Adɪ kinə i 'ra kaya al kàrè bá kinə i 'təl dow rəmə, i 'al dɔ ndukun bikti lay.

¹² 'Pai ta rəm, 'rai né rəm, kəm dow-je kí d'a gangta dɔ-dé-ti kɪ ndukun kí njètaa dow-je kilə-dé taá kin bane.

¹³ Kdɔ, dow kí njèkoo kəmtondoo lə madi-é al lé, ta kí gangi kí dɔ-é-ti kàrè koo kəmtondoo à goto-ti tɔ. Ngà koo kəmtondoo bá dow à dum-né dɔ ta kí gangi.

Kadmɛɛ kɪ kullə kadmɛɛ

¹⁴ Ngankɔ-m-je kí njékadmɛɛ, kadi dow panè: «M'ɔw kɪ kadmɛɛ», ya ngà ɛ ra né kí tɔji kadmɛɛ lé al lé, se maji-é to ri wa? Se kadmɛɛ kinlé à kaji-é ya ban wa?

† 2:8 2:8 Luk 10:27

15 Kinə ngankɔ-si-je əse kɔnan-si-je madi d'ow kuti-dé dum əse nékuso-dé kɔ ndɔ-je lay goto

16 ya rəmə dow káre dan-si-ti idə-dé panè: «Owi kɔ lapiya, adi rɔ-si tungə jùrùrù ə adi mɛɛ-si ndan!» Loki səi 'pai bè ya ɓi adi-dé né kí d'a ra-né kɔ rɔ-dé al lé, sé maji-é to ri wa?

17 Kí sobi dɔ kadmɛɛ kàrè tò bè ya tɔ. Kadmɛɛ lé, kinə kullə-é goto rəmə, to kadmɛɛ kí oy suj.

18 Ngà dow madi à panè: «I 'ow kɔ kadmɛɛ, ngà mɔ rəmə m'ow kɔ kullə kadmɛɛ», ɛn é «'ɔji-m kadmɛɛ lə-i kí kullə-é goto lé adi m'oo ə mɔ m'a kɔji-i kullə kadmɛɛ lə-m kadi oo-né kadmɛɛ lə-m tɔ.»

19 I 'adi mɛɛ-i kí Lubə ra káre-rè, 'lə-i to tó-é ya. Ndil-je kí maji al kàrè, d'adi mɛɛ-dé kí Lubə ra káre-rè tɔ, ə 'dadi ngin-ngin.

20 Mbə dow, se i ndigi gə né kí tɔji kí kadmɛɛ kí kullə-é goto to kadmɛɛ kí mɛɛ wəy kare lé wa?

21 Ka-ji Abrakam ilə ngon-é Isaki logugi né-ti kɔ kadi Lubə kadkare-ti, adi to takul kullə ra-é-je ɓá ta ɔr-né dɔ-é-ti ya al wa?

22 I gə maji kí kadmɛɛ liə ɔw nati kɔ kullə ra-é-je ə kɔ takul kullə ra kadmɛɛ ɓá kadmɛɛ liə maji ɔr-né njuti.

23 Beɓa ta kí mbete kí aa njay pa lé né-é ra né. Mbete kí aa njay lé panè: «Abrakam adi mɛɛ-é Lubə, beɓa Lubə ɔr-né ta dɔ-é-ti ə ɓa-é-né nam-é.»

24 Səi 'gəi kí to kullə ra dow ɓá ta ɔr-né dɔ-é-ti ɓi kɔ takul kadmɛɛ liə ya par al.

25 Bè ya tɔ é Rakabi* kí to dené kí njəkaya ya,

* 2:25 2:25 Jój 2:1-21

uwə njétən lo-je kí 'to Israyel-je kí rɔ-é-ti, ə adi-dé 'təl k̀̀ rəb̀̀i kí rangi, adi to takul kullə ra-é bá Lubə ɔr-né ta dɔ-é-ti.

²⁶ Titi kí dow kí koo goto mɛɛ-é-ti to-né dow kí oy kinlé, gangi-é kin ya tɔ́ ó kadmɛɛ́ kí kullə-é goto to-né kadmɛɛ́ kí oy tɔ́.

3

Ta kí dɔ ndɔ dow-ti

Mat 12:33-37

¹ Ngankɔ-m-je kí njékadmɛɛ́, kadi sɔ̀i njéndó dow-je né 'n̄ai al! Kdɔ sɔ̀i 'gəi maji kí jɛ njéndó dow-je né-je lé ta kí gangi kí dɔ-ji-ti à nḡa nḡa.

² Jəi lay ya j'rai né kí maji al k̀̀ kəm rəb̀̀i-je kí gay-gay. Kinə dow ra majal mɛɛ́ ta pa-é-ti al rəmə, dowbé to dow kí maji ɔr njuti ə asi kuwə rɔ-é lay gin tógi-é-ti.

³ Loki j'uləi jim ta sində-je-ti kadi 'təl rɔ-dé go-ji-ti lé, j'ɔwi k̀̀ tógi dɔ rɔ-dé-ti lay.

⁴ Ooi ta kí dɔ bato-je-ti tɔ́: Bato-je lé to né-je kí boy nḡa ya, nḡa loki yəl kí ulə k̀̀ tógi-é ɔsi-dé ki kete-kete lé, ngon gɔw-é kí ndɛ̀ bè ya njèkuwə-é ɔw-né sə-dé lo-ti kí mɛɛ́-é ndigi.

⁵ Bè ya tɔ́, ndɔ dow to ngon rɔ́ kí ndɛ̀ bè, ya ɛ pa ta-je kí al dɔ-é dɔ-é ɔsi-né gajɪ rɔ-é. Ooi bè! Ngon kɔpər kí ndɛ̀ bè ya asi k̀̀ mɛɛ́ mbo lay!

⁶ Ndɔ dow lé titi-nḡa k̀̀ kɔpər bè tɔ́. Ɛ́ bá to lo kí né ra kí njururu al t̀̀-ti; ndɔ dow lé to ngon rɔ-ji kí t̀̀ dan ngan rɔ-ji-je-ti. Ɛ́ ya to njèndəm rɔ-ji lay kí né kí maji al, bá un pər kí t̀̀ sartagangi dɔ-é-ti ree ində-né kisi k̀̀ dɔ taá lə-ji!

⁷ Dow asi təl da-je kí gay-gay lay, k̀i yəl-je, k̀i né-je kí njékagi nangi, k̀i né-je kí mani gin tógi-é-ti, ə təl-dé gin tógi-é-ti ya tɔ.

⁸ Ngà ndɔ dow lé, dow kí asi kuwə-é gin tógi-é-ti goto. To né kí maji al kí dow à kasi kuwə ta-é al, ə kəngi né kí à təl dow rusi nji-nji.

⁹ Ɛ ya j'osi-né gaji Bɔbi-ji kí to 'Babe rəm, bá j'indəi-né ndɔl dɔ dow-je-ti kí Lubə ra-dé adi 'titi-na siə rəm tɔ.

¹⁰ Ta-ji kí káre-rè kin ya tərndi tɛɛ-ti rəm, bá ndɔl tɛɛ-ti rəm. Ngankɔ-m-je kí njékadmɛɛ, to né kí à tò bè al.

¹¹ Kəm kəneɛɛ kí káre-rè lé, man kí sɔl k̀i man kí ati à tɛɛ-ti wa?

¹² Ngankɔ-m-je kí njékadmɛɛ, kote à kandi olibiye wa? Əse nduu à kandi kote wa? Kəm kəneɛɛ kí káre-rè lé man-é à dɔ katɪ rəm, à sɔl rəm al.

Gosi kí ɪ dɔra-ti

¹³ Nǎ dan-si-ti bá to njègosi k̀i njènégə wa? Kadi-é tɔji kullə ra-é mɛɛ panjiyə-ti kí maji kí tɔji kullə ra dow kí njèsɔl dɔ-é k̀i njègosi.

¹⁴ Ngà kinə kim-na k̀i jangi rusi mɛɛ-si nji-nji rəmə, ɔsi gaji rɔ-si al rəm, bá ədi ta ɔsi-né ta kí tɔgrɔ-ti ngərəngi al rəm tɔ.

¹⁵ Gosi kí bè kinlé ɪ dɔra-ti al, ngà to gosi kí dɔnangi-ti nè, to gosi lə dow, k̀i gosi lə ndil-je kí maji al.

¹⁶ Kdɔ lo kí jangi k̀i kim-na tò-ti lé, né-je kí tulə nati k̀i majal-je kí gay-gay tò-ti tɔ.

¹⁷ Ngà gosi kí ɪ dɔra-ti to gosi kí aa njay ya kete, go-ti to lapiya, to sɔl lom-lom, to kuwə noji, to

koo kəmtondoo kí n̄a, to kullə ra-je kí maji-maji
 ə kər kəm-n̄a goto-ti rəm, bá kədkəm-n̄a goto-ti
 rəm to.

¹⁸ Dow-je kí njékulə dow-je noji nati lé, 'to
 njésangi lapiya lo kisi-dé-je-ti ə kandi-é to né ra
 kí njururu.

4

Rɔ̀ k̀i ɓo né-je kí maji al

1Pi 5:5-9

¹ Ta-je kí kɔl-n̄a-je kí tò dan-si-ti lé i rá wa? To
 ɓo né-je kí maji al kí m̄eɛ-si-ti ya bá ɔsi-si ɓɔy-
 ɓɔy buki-si dɔ-n̄a-ti tin al wa?

² S̄ɛi 'rai kəmnda né ə inḡəi al; rəmə 'toi njétol
 dow-je k̀i njéra-n̄a jangi-je; né kí inḡəi m̄eɛ-é-ti
 goto. S̄ɛi 'toi njéra-n̄a ta-je k̀i njékɔl-n̄a-je. Né kí
 'ndigi lé, s̄ɛi inḡəi al, kɔɔ 'ḡəi d̄əji né Lubə al.

³ 'D̄əji né ə inḡəi al, kɔɔ 'd̄əji k̀i tagir kí maji al,
 'd̄əji kɔɔ tində sane k̄ɔgi dɔ ɓo né-je-ti kí maji al
 kí m̄eɛ-si-ti.

⁴ S̄ɛi njérakaya-je kan! S̄ɛi 'ḡəi kí ra kəmnda
 né-je kí dɔnangi-ti lé, to k̄ɔsi ta k̀i Lubə ya al wa?
 Ad̄i dow kí ra kəmnda né-je kí dɔnangi-ti nè lé
 to njèba lə Lubə.

⁵ Ta kí mbete kí aa njay pa lé, s̄ɛi adi to ta kí
 kare wa? Mbete kí aa njay panè: Ndil* kí Lubə
 adi-é isi m̄eɛ-ji-ti lé jangi ra-é dɔ-ti.

⁶ Ngà ramaji lə Lubə lé al dɔ lo; kɔɔ mbete kí
 aa njay panè: Lubə ɔsi ta njékində kàd̄i-dé-je,
 ngà ɛ ramaji k̀i njésol dɔ-dé-je.

* **4:5 4:5 Ndil** kí ta-é tò nè kinlé dow-je kí 'n̄a-je 'panè to *Ndil kí
 aa njayə* d̄ɛ kí dan-ti-je 'panè to *ndil dow*.

⁷ Ɖn é ulæi dɔ-si gin tógi-ti læ Lubə; ʔi gərərə nɔ́ Sú-ti ə à kay-si kʌ say nu.

⁸ Reei ngɔsi kɪ rɔ Lubə-ti ə à ree ngɔsi kɪ rɔ-si-ti tɔ. Səi njéramajal-je, 'tɔri ji-si né kí maji al-ti; səi kí mɛɛ-si ra joo, adi mɛɛ-si aa njay.

⁹ Kadɪ 'gəi kí 'toi dangi-ti-je, 'ndingəi ndoo, 'nɔ́i, adi kogɪ læ-si təl nɔ́ ə adi rɔnəl læ-si təl mɛɛkɔ́.

¹⁰ 'Soli dɔ-si nɔ́ 'Babe-ti ə à kitə dɔ-si taá.

Ta kí sɔbi dɔ gangta dɔ-nɔ-ti

¹¹ Ngankɔ-m-je kí njékadmɛɛ, 'pai ta kí maji al dɔ-nɔ-ti al. Dow kí pa ta kí maji al dɔ ngonkɔ-é-ti əse gangta dɔ-é-ti lé, ɛ pa ta kí maji al dɔ ndukun-ti læ Lubə rəm, bá gangta dɔ ndukun-ti lé rəm tɔ. Ngà kinə i 'to njègangta dɔ ndukun-ti rəmə, i 'to njègangta bi 'to njètəl rɔ-i go ndukun-ti al.

¹² Kdɔ Lubə ya kɪ kár-é é to njèkadɪ ndukun rəm, bá to njègangta rəm; ɛ ya asi kaji dow rəm, asi təl dow rəm tɔ. Ngà i ə 'to ná bá 'gangta dɔ dow madi-i-ti wa?

Ta kí sɔbi dɔ kində kàdɪ

¹³ Ooi maji! Səi kí isi 'painè: Bone əse bore ə j'a kɔw bebo-ti kí bè kin, j'a ra bal káre, j'a ra gati ə j'a kingə là.

¹⁴ Səi 'gəi né kí à tɛɛ dɔ-si-ti ndɔ-ti kí bore al! Kdɔ səi lé 'titi-nɔ́ kɪ mum kí usi sɛ bè ya ə sane kin bè.

¹⁵ Ngà ta kí lé a pai éni: Kinə 'Babe ndigi rəmə, j'a kisi kɪ dɔ-ji taá ə j'a ra né kí bè əse né kí bè kin.

¹⁶ Ngà kí ngɔsnè-ti kinlé, səi isi ɔsi gajɪ rɔ-si kɪ ta-je kí al dɔ-si. Ko kɔsi gajɪ rɔ kí bè kinlé maji al.

¹⁷ Kinə dow gə ra maji ya bá ra al lé, dowbé kin ra majal.

5

Ta kí sɔbi do njénékingə-je

¹ Səi njénékingə-je, ooi maji! 'Nɔi, 'tuməi rusi-rusi, kdɔtalə tuji-je kí à ree do-si-ti!

² †Nékingə-je lə-si ndum luti ə nɔ-je d'ɔ kubi-je lə-si lay.

³ Lɔr-je kà là-je lə-si nɔ; ə nɔ-é kinlé à kilə ta do-si-ti, ə à kɔ daji rɔ-si titi-nɔ kà pər bè. Səi isi mbɔi né-je lə-si indəi ngangəm mɛɛ ndɔ-je-ti kí dɔbɔy-ti bɔy al ban!

⁴ Ooi bè! Səi 'mbati kugəi nédɔji njérakullə mɛɛ ndɔr-je-ti lə-si adi 'nɔ ə ndi nɔ-dé ɔw sar usi mbi 'Babe-ti kí njəkosi njéro-je.

⁵ Səi isi dan maji-ti bagja dɔnangi-ti nè ə inəi rɔ-si yaki 'rai né-je kí dɔnangi-ti nè. Səi usoi né əi-né mbul-mbul toki dɔ-je kí d'ɔw kà tol-dé kin bè.

⁶ Njèra né kí njururu ya səi 'gangi ta do-é-ti ə 'toli-é do-ti. Ɔ ijə-si rɔ al.

Kuwə rɔ ngə mɛɛ néng-je-ti

⁷ Beba ngankɔ-m-je kí njékadmɛɛ, iləi mɛɛ-si do madi-é-ti sar ndɔ təl 'Babe-ti. Ooi, njèndɔr lé, ilə mɛɛ-é do madi-é-ti sar kadi ingə-né man ndi kí dɔsɔy kà sɔy man ndi ngəbi-né kandi né kí maji kí nangi à kadi-é.

⁸ Səi ya kàrè, iləi mɛɛ-si do madi-é-ti, uwəi mɛɛ-si ngə, kdɔ ndɔ ree lə 'Babe nɔy ngosi.

† 5:2 5:2 Mat 6:19

⁹ Ngankɔ-m-je kí njékadmɛɛ, 'yuni ta dɔ-na-ti al, nè ta kí gangi à kusi dɔ-si-ti. Ooi, Njègangta ɔ tarəbi-ti ngá.

¹⁰ Ngankɔ-m-je kí njékadmɛɛ, njépata-je kí ta Lubə-ti kí ndoki 'pa ta kì ri 'Babe lé, d'ingə kò rəm, d'ilə mɛɛ-dé dɔ madi-é pɔ rəm ɛn é adi 'to néndaji lə-si.

¹¹ Ooi bè! Dow-je kí d'ɔ dɔ nja-dé-ti njangi lé bá j'painè 'to njénékumə-je. Səi ooi poyta kí sobi dɔ kɔ dɔ nja-ti njangi lə Jobi rəm, bá né kí 'Babe ra siə ta sɔy-é-ti kàrè ooi rəm tɔ. Kdɔ 'Babe lé to njékoo kəmtondoo rəm, bá ta ɔ mɛɛ-é kdɔ dow-je rəm tɔ.

Ta kí dɔ kubi rɔ-ti

¹² †Ngankɔ-m-je kí njékadmɛɛ, kete nò né-je-ti lay lé, ubi rɔ-si kì dɔrɔ al rəm, ubi rɔ-si kì dɔnangi al rəm, bá ubi rɔ-si kì né madi kí rangi al rəm. Ngà kinə ta lə-si to oiyo rəmə, ɔi dɔ oiyo-ti ə kinə ta lə-si to ɔ-ɔ rəmə, ɔi dɔ ɔ-ɔ-ti; bè kdɔ kadi usi mɛɛ ta kí gangi-ti al.

Pa ta kì Lubə kdɔ njémɔy-je

¹³ Kinə dow madi dan-si-ti isi dan kò-ti rəmə, kadi-é pa ta kì Lubə. Kinə dow madi dan-si-ti isi dan rɔnəl-ti rəmə, kadi-é usi patóy-je.

¹⁴ †Ba kinə dow madi dan-si-ti mɔy ra-é rəmə, kadi-é ba 'ngatogi-je lə njékəwnə-je kadi 'pa ta kì Lubə kdɔ ta liə d'ur-né ubi dɔ-é-ti kì ri 'Babe.

¹⁵ Ta kí pa kì Lubə kì kadmɛɛ lé à kadi lapiya njémɔy ə 'Babe à kadi-é ubə nangi i taá; ə kinə ɛ ra majal-je nɔɔ rəmə, à toki kinə go-é kɔgi kadi-é.

¹⁶ Ən é 'pai ta rəsi dɔ majal-je-ti lə-si adi-na ə 'pai ta kɪ Lubə kɔ ta lə-na, kɔ kadi ingəi lapiya. Ta kɪ njərə né kɪ njururu pa kɪ Lubə ə ɔ dɔ-ti njangi lé, ɔw kɪ tɔgi ɲa.

¹⁷ Eli kɪ to dow madi-ji ya ndɔki pa ta kɪ Lubə ɔ dɔ-ti njangi kadi ndi ədi al é ndi ədi dɔnangi-ti al ya ɓal mutə kɪ ɲay məkɛ.

¹⁸ Bəy ɓá təl pa ta kɪ Lubə gogi rəmə, ndi ədi adi né-je kɪ dɔnangi-ti andi.

¹⁹ Ngankɔ-m-je kɪ njəkadmɛɛ, kinə dow madi dan-si-ti ndəm, adi ɔ sɔy kɪ ta kɪ tɔgrɔ-ti ɓá dow kɪ rangi təl ree siə

²⁰ †rəmə, kadi 'gəi maji kɪ dow kɪ njètəl kɪ njèramajal dɔ rəbi ndəm-ti lé, to njəkaji-é ta yo-ti. Ə né kɪ ɛ ra kinlé to kəm rəbi kuti* dɔ majal-je ɲa.

† 5:20 5:20 1Pi 4:8 * 5:20 5:20 Kuti dɔ majal-je kɪ ta-é tò nè kinlé to ta kɪ sɔbi dɔ kuti dɔ majal-je kadi dow oo al al, ngà sɔbi kinə go majal-je kɔgi (Gos 10:12; Pa 32:1; 1Pi 4:8).

Mango
Mango: Ta lə Lubə Kunmindi kí Sigi (New
Testament)

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

96bdbd07-24d6-556c-9e7c-7269c72880cd